


島原柳澤詩集

芝陵遺稿

完

和16
883



門八和16
第 833
卷

嘉永四年辛亥仲春新鐫

島原柳澤伯民著

芝陵遺稿

竹如雲處藏



叙

佐久間
家藏記

予業已踐履實行活用
經史之學象於一藩政事
又以此學導一藩子弟其序
童子讀了四子六經之餘必責

之以作詩既冠矣漢之十八
史略通鑿經目之辭責之以
作文益活用經史之方在
活用文字活用文字之方自
詩而入文落想搗落之際温

故知新之餘經之義史蹟典
故事情宜於古而不宜於今
者可施乎亂而不可施乎治
者可大用于彼而不可用于
此者皆悉完具於胸中可


以應於時宜焉於是乎人材
昭成勳薦之

王公五公班諸左右以授顧曰
補弼之任若能見子矯抑澤
伯民是其人也二人者才敏非

余所及而不幸今皆亡矣子
鵠之亡余既銘其墓伯民
沒經七星霜去有所為頃
其友佐久間有實校其遺稿
乞余序揮淚弁之以此言

嘉永辛未春二月

溫山老人重憲識



藤森連書



芝陵遺稿序

嗚呼是余亡友柳澤伯民之遺稿也其師溫山川北
先生使余序之蓋以余之與伯民同庚而平生形影
相追踪跡相隨伯民嗜學專治紫陽之說時或及于
姚江之書而職在近侍進仕之頃退思之間矻矻講
究不少自懈怠余則草澤醫生刀圭之暇好讀古傳
疏務事考證而不喜談性心其學術事業冰炭相反
而二人從遊無間每會聚必置酒言論及晷傾燭盡
或怪問之伯民輒笑曰明先王之道以通當世之務
者是余之志也審治療之法以矯世醫之弊者是彼

已氏之志也各志其志成其道而已何論其趨向之
同異之爲其襟度恢豁如此而其所期待亦可以見
焉既而伯民自知其寡陋請溫山先生就佐藤博士
而學入學一周年氣骨老成才鋒穎出名聲鬱然拔
出乎時流亡幾伯民嬰瘵疾竟不起嗚呼哀夫余醫
則不能起伯民學則不能迨伯民鈍者壽而銳者夭
玉則碎而瓦則全不可勝慚感也嗚呼伯民年同其
庚志同其歸規正激厲期相與終始而忽然爲隔世
之人而今莊讀其文十數年來之酒痕燈光言論聲
容歷歷如其人存余雖不文安得無一辭哉

嘉永四年辛亥春二月上浣

信濃 淺田惟常撰

芝陵遺稿

鳥原柳澤信兆伯民著

佐久間華有實校

庚子元旦

先酌芳椒一瓶酒閒看綠萼半窗梅酒香梅影春如
許不信東皇駕未回

酬佐久間有實依其韻

市朝混跡不偃入胸宇相知各絕塵妓席觥船君是
窮藝場誰鼓我稱臣交情如水盟應久詩筆生花語
自新雲雨嘗嫌多反覆欲期管鮑舊時貧

初冬山居
雞犬寒山裏
樵農戶口分
稻荒多雀語
果盡少猿聲
幽澗水奔石
危橋人入雲
松風襲我耳
不使市聲聞
詠史八首

始皇

萬里長城計已非
不禁赤幟入宮闈
寧知一炬燔書
火中有漢家赫赫威

項王

叱咤震天戰鼓轟
壯心當日未曾驚
豈圖垓下腥風
夜膽破楚歌四面聲

高帝

幾回狼狽避衝撞
遂見炎威及萬邦
笑殺項郎胸宇
陋獨身不敢過烏江

鄧侯

發縱看君膽畧雄
驅他走狗策奇功
漢家遂獲秦家
鹿却在當初追信中

留侯

遂成漢業事超倫
素志看來在報秦
博浪一椎如不
誤恐為刺客傳中人

淮陰

甘受詬嘲辱已深
功成誰敢侮淮陰
可憐雲夢爲搖
恨亦是當初胯下心

樊噲

苦辛百戰蹈荆榛
突進登城每先人
素習憐他屠狗
技後來解擊虎狼秦

叔孫通

綿蕤禮成與世宜
衣冠想見肅階墀
一時事業君初
志烏識六經收漢儀

奉和溫山先生止酒二絕
時信兆亦以疾止酒
前首故云

從他塵世風濤憑
隨意醉鄉踪跡深
今日與君俄被
拒似不陳蔡絕糧心
依然疎影暗香春
奈這瓶前醒眼人
昨夜花神入吾
夢亦言幽恨爲君新

病中示佐久間有實

藥鼎無烟爐燼空
黃塵回首跡匆匆
年移烏默鳥啼
外感集燈明燈暗中
多病猶期酬夙志
答恩誰敢識
幽衷忻君平昔同
趨向把筆欲追董賈風

哭內

合香憶昔揀吉辰
輕塵短夢跡全陳
聲容忽已幽明

隔釵釧依然滄淚新多病誰憐孤影瘦寒宵唯與一
燈親空庭預想春深日風燕雙飛惱殺人

除夕

守夜家家同不眠辛盤椒酒歲終天燒雲烽火市聲
沸繡雨庭除梅氣傳藥物無功猶舊病風塵如故又
新年迎春頗覺吟情苦近藁却添哭婦篇

奉和溫山先生種西湖柳作

一枝會自海西分誰養翠眉新嫁君柔態於花原好
侶長條與竹不同羣幾絲飄作城中雨萬里偷將湖
上雲莫向主人惜青眼宛然蒼白著巾文

送大竹翁翁善釀酒故及

忽逐飛花去春風官道長馬蹄向溫嶽客夢又崦嵫
蠻鎗腥羶氣吳船唱和章瓜期君莫誤家釀幾瓶香

寄沉萍香

三吳風物世常推底事殊方枉索奇鯨浪挂帆神鬼
護靖洲寄跡姓名馳山樓茶酒我難共海國文音誰
受里魂夢不容雲樹隔規君夜夜讀書帷

寄楊覺三

乍浦微茫雲浪西扶桑暫借一枝栖山環客館曉嵐
鎖雨雜夜潮春夢迷唱和幾人傳姓字琴樽何日獲

提攜片言難訴襟懷盡附與流鶯任意啼

送岩永子紡扈公駕之本藩吾公襲封首巡視

長崎而例臨於清館矣子紡此行會有此事也

賦之為贈

崎港風烟淺暑天知君從駕執金鞭數行部任人虔

肅一路瘴雲山接聯布幕長槍認官戍蜀旗大礮識

蠻船本藩盛事休相讓清客唱酬詩幾篇

酒瓢

顏貧許隱杳難追好是春醅貯綠漪小戶每慚君腹

大朴形原稱我心癡徑烟村雨迷花日簞笠莎衣釣

雪時曾愛王郎醉鄉記此情唯有此瓢知

秋海棠二首

雲錦層層繞畫樓碧雞春夢去難留阿誰偷得芳魂

在露華風葩一種秋

淡淡粧成幾朵紅芳魂無恙睡秋風嫁期曾被東君

誤露泣蟲悲叢又叢

墨江舟中

遇此清幽境頓教塵慮微雲鐘荒寺遠風笛倦漁歸

欲雨霽烟重入秋人影稀昔賢遺詠在作意白鷗飛

奉送家君奉使之日光山

毛州上下草連空一路高低策鐵驄
溫清奪情憂夜雨蓬榛滿目感秋風
橋橫朱影雲杉杪廟閃金光濕霧中
千萬溪聲與山籟勿教歸夢易匆匆

觀驢有感

豐氏窮兵計已非狗奴經歲苦難鋤
鐵衣今換錦衣煖爭見韓人船載驢

平薩州

魚腹諸平同鐵腸推君灑洒富詞章
春風花下曾投宿偷取千秋遺骨香

大塔王

慶賊初心奈數奇可憐終被老奴欺
問君土窟吞冤日何似經函屏息時

蕉蔭草廬集呈主人

楓紅蕉綠映池波招飲忻君韻致多
海味山珍金谷醺只聞吟嘯不聞歌

搗衣三首

雲濤滄海舶孤枕夢依依多少秋風淚
爲人擣嫁衣君身如此響妾心如此衣
段段搗逾白聲聲去不歸風杵月三更
雲帆人萬里縱令生女多莫嫁商家子
陪侗庵博士遊日黑村公園博士垂釣結未及

之

恰似楓林秋未闌叨陪者宿上騷壇幾重雲錦池無
緣一面彩霞堂變丹唱和鬪才戛金玉譚論得酒足
波瀾高情更有歐公在垂釣聊爲穎上看

辛丑歲晚書懷

紅塵二十六春秋一任雲林志未酬帖輯蠹餘思故
舊硯磨風字走蛟蚪文壇不斥稽康鳳病骨何妨丙
吉牛臘市讎名年欲盡瓶梅影裏且優游

贈賈花翁

都門二月賣春風微雨輕塵日日同滿檐濕紅香萬

斛引他蜂蝶入城中

偶作

滿野東風布化初人傳新政又非虛已教蟬噪遭霜
肅又看柳眉經雨舒海口要衝嚴鎖鑰都門形勝會
舟車四方殺運頻驚耳高枕翻繙舶載書

春雨獨酌

簾幕輕寒在霏微雨滿空雲多低著水花濕落無風
排悶慙紅友知心只碧翁疎慵眞我分春老醉醒中
新田左中將

心期恢復衛行宮剩見兒孫承祖風遺恨偷安江左

主一朝和議誤魏公

采薇圖三首

昨夜蕨薇兩山中
攜女兒一笑時
世料旋被山雲知
步步入香風
筠籃摘軟紫
有人已先我
笑語春雲裏
提挈春山裏
采二不覺登
諸伴忽相失
隔溪互喚應

花後二首

風伯何無賴
空教高下飛
愁紅埋野徑
稚綠擁山扉
心與禽喉倦
詩隨蝶影稀
餘香猶在袂
未遽脫春衣
雨二風二後羣芳一
夢非烟連山樹
暗草滿野塘肥
鳥物清和過村園
笑語稀多情
門外柳盡日
獨依依

初頁漫興

秧田雨足翠纖纖
午夢南軒風一簾
不用桃花源裏
去近無村吏
權茶鹽
其非心事一
餅月風風三
八
儉政維新琴瑟張
朱門不復飽膏粱
市朝未及村家
好蔬苟依然
匕箸香
歡心林
日
意
今
時
林
璠閣瑤臺夢已空
幽堤花盡雨濛濛
二銅山一片知何
處
荒草無人弔鄧通
錦翼文毛兩兩閒
答春幽哢愛空山
今朝飛入名園
裏一鳥留連一鳥還

送島田愚谷還加賀

相逢卓二又揚鞭領取交情非泛然文社訂盟鷗鳥
侶學宮分袂杏花天樹陰漠漠官亭兩馬語蕭蕭古
驛烟行向加州多絕勝煩君健筆記山川

晚坐即事

亭虛涼味足草密暝烟深圓席便孤坐淺螺宜細斟
一蟲秋到耳萬籟晚澄心待月還何意今朝洗竹林

大石良雄

主盟曾必死沉醉意真狂心事一輪日威風三尺霜
田橫腸久熱豫讓骨終香墳墓臨東海濤聲餘怒長
六月十六日夜訪市川清溪寓居話舊遂相與

臥矣賦似

同窗屈指八星霜詎舊相將入醉鄉多謝人間塵熱
外通宵許借半牀涼

晚浦所見

蓼花洲外水天交只有歸舟沙際膠湖氣茫茫山日
沒殘紅一半在檣梢

秋日示佐久間訥庵

秋光恰好淺深間一棹欲同張翰還霜早雁聲無且
暮風高雲影有忙閑杯中澗澗吟餘酒檻外峯巒畫
裏山最是海鷗盟可結蓼紅蘆白幾灣灣

墨水觀秋花

石氏豪奢玉作薪空餘斷礎伏荆榛誰知二圃閉紅
紫幽馥長爲鷗鳥隣
蒼魂廟畔寒烟漠白髭祠前夕照明今日顛狂非偶
爾秋芳自有海棠名

二寶刀歌

吾藩舊傳古刀二曰神息曰神氣弄藏之久
滿牙生鏽今茲千寅藩公東觀攜來江都命
工磨之恭賦長歌一篇
雙龍多年甘韜匿秋水無色紫鏽蝕銘字隱隱尚可

辨一曰神氣一神息伊昔名匠鍛鍊際嘗得神物吹
噓力一初飛來函關東磨礪亦復遇良工鋒鏘漸次
現光彩飛電爭迸雲霧中三尺凝霜鐵可斫神造之
寶名不空君不見祖宗威武守西藩世襲百雉榮子
孫更有遺寶傳先烈干將未化莫邪存殷彝周鼎何
足重可笑搜索及破冢孰若我劍神且靈光芒一射
魑魅恐却思崎嶇互市來繼船寒膽大礮響震天要
衝之鎖鑰國重事實也不在劍而在賢

源廷尉

一夜吹殘棣萼風陞辭揮淚跡匆匆靖洲無地容鵬

翼搏去蠻烟蜚雨中
百戰功成殲虎狼餘生豈料落遐荒蠻烟滿地腥羶
氣不掩聲名萬古香

新晴望嶽

雲海迎初日姿容正儼然環腰孫子小反掌羣陰遷
雪歷千年在峯攢八朵鮮今朝驚變幻突兀耀紅蓮

圍爐懷舊

疾風吹不休怒號撼老屋蒲柳素天賦難禁霜威酷
擁被親爐火縮如龜藏六家醞幸不空幅巾亦可漉
磁杯試鵝黃氣味勁而馥霜寒忽如遺春意滿胸腹

加憐丙申歲淫霖傷百穀四海皆歉餒東土尤慘毒
翁嫗抱幼孩乞食行號哭少壯掘草根荷鋤便顛倒
餓莩橫道路流氓愬乳獨廟謀憂且勞數數散糜菽
吾家仕大藩百口蒙養畜一飽已感愧豈敢思藥麪
今者兩賜調頻年遭大熟民物屬恬熙香醪家家足
今日不醉歌恐負杯中綠

三賞三樂詠

本藩侍醫本多翁為人脫洒不修邊幅刀圭
之暇惟痛飲嘯傲而已嘗取意之所適定為
三賞三樂囑余詩之夫人之於技藝苟局於

世累少能至其妙故古之稱高手絕技者往往磊落不羈自放方外今翁治瘵之妙人之所知而其所以妙則未始不職是之由矣是余之所以樂言而不敢辭也

梅影橫窗旭日妍暗香脈脈攪春眠主翁自有吟哦癖欲與曉鶯爭後先

簷頭旭梅

蓋影重重簇翠烟滿林風露月娟娟夜深寒玉光逾寂一任蒼龍抱得眠

門前松月

龍孫養就幾千竿兩態風姿且暮看昨夜山雲餓釀雪白玻璃映碧琅玕

屋後雪竹

易早石三賞

春窗睡足起來遲細細松風茶熟時瓦鼎銅爐閒適處一簾花影聽黃鸝

朝起煮茶

編得寒藤製造新北窗風味使天真笑他朝市營營各盡是邯鄲枕上人

午睡藤枕

菊徑歸來夕照紅且傾家醞進園菘果然嘯傲東軒樂不在珍羞盛饌中

晚歸獨酌

右三樂

春雪

昨日東風至霏霏枉自狂草頭難沒綠禽翻易分黃

著柳偏無力兼媒忽有香預期秋社醉三白見在

遊目黑村梅園邂逅梅癡錦江二上人乃檀齋

國手不詩次韻以呈

林間邂逅石為堂自愧談禪喙獨黃時有梅風傳馥郁恍聞獅子座前香

斜陽滿地落梅風老衲相逢譚未終瀝二殘瓢傾已

盡禪機却在喫茶中

春雨

簾幕還無料峭風半宵輕暖雨聲中朝來欲問花消息早已街頭賣濕紅

庭春

豕園才掌大短策日逍遙會語春三月花香雨一宵土融抽菜甲池暖長魚苗不識籬笆外紅塵漲市朝

日黑村

小兒為餉大兒耕戶戶春蠶絲未成堪笑東風閑意思吹開滿地紫雲英

春日偶述

江城寒盡早雲物入清明風細柳無力水春冰有聲陶公園可涉點也服將成青紫非吾事香醪隨意傾二月念三日遊古梅莊花已半落飄片狼藉得

長句四部

草滿春村一路遙探梅半日忘塵囂蜂尋剩馥紛紛
過鳥蹴殘葩片二飄照水疎星看又落點衣晴雪暖
難消雷公休起幽龍臥銷盡香魂不易招

晚春

難向春山去芳樽且醉醒蜂聲過午砌花氣聚風檣
小官槽間馬浮名水上萍吾胸無芥蒂朝市即柴扃
送同僚生駒子還鄉子善攝生又精銃法故三

四及之

駒君奇傑士常慕古人風煉氣笑丹藥論兵誇火攻

蘭交相爾汝萍跡忽山東綵繡他年夢孤城海霧中
送能見華卿扈駕之本藩余將入昌平費

能生名家駒骨相果不凡鐵蹄疾於電一鞭去颿二
切奔穿樸檄暮騰踰巉巖有如一行曠平不敢言險難
驚駘我自分薄言脫轡銜去入經史圃百冗從鋤芟
風佚涉兩歲咀嚼盡萬函與君殊趨向一去異忙閒
四方男兒事豈為別淚潛所同在報國相警勤惰閒

癸卯四月

大府舉日光拜

廟之典藩公時就邑特

旨留之守

大城第三門蓋優待也信兆辱在卒伍更番宿

衛恭賦二首

真主貽謀開永昌方今盛典屬更張萬騎啟行觀濟濟入鸞和響想鏘鏘恤民曾已宣新政拜廟况

能循舊章終古定應無剪伐滿山松檜盡甘棠

二荒雲霧老杉昏祖廟千秋遺烈存弓銃開生

驅魍魎衣冠執事薦蘋蘩干城不乏周南國鎖鑰尤

推宋北請看睢陽鋒鏑死寵榮長錄許張孫蓋祖三世

相繼陣沒而伏見城守功烈尤著

癸卯夏五入昌平費佐久間有實有送別之作

次韻卻似

同調年來賴有兄蘭言相送又真情梅肥麥秀衣猶

熟北舍南寮面獨生學海淺深隨見得迷津岐路任

人爭慙懃異日追遊約莫負茗溪溪月明

新蟬

昏昏睡過熟梅天忽報新晴最可憐一路薰風高柳

外半村殘雨夕陽前帶秋聲調澁非鄙尋露身軀輕

欲仙羽蛻由來可醒俗憑君喚起市朝眠

觀蓮四首

水檻風櫺面面涼尋詩曉簟且壺觴吹送一霎芙蓉
雨放下湘簾不隔香
荷氣侵人曉更清鴛鴦夢定應驚碧甯一醉水樓
酒霧白烟紅隨意評
幾首詩收萬朵紅琅二相和曉欄風凌波仙子應傾
聽羅襪婆娑香霧中
紅粧照盡鏡中天兩態烟姿競婉然自負平生腸似
鐵青樽亦此伴嬋妍

謝安圍棋圖

局上兵機聊試神知他一著目無秦兒曹必勝心會

許戲賭江南半壁春

晚涼洗馬

殘雨斜陽明夕流清波爭浴萬騏驎羣蹄逐二浪翻
雪衆尾毳二風欲秋雲集何煩牽繫柳星奔一任去
隨鷗平生不受兵塵浣洗出皮毛滑似油
暫脫金鞍浴碧漣蘋汀柳岸晚風天奔沙健兔羣爭
逸蹴浪遊龍戲未眠紋惜連錢嫌水沒耳垂批竹任
人牽萬蹄歸盡空江月只有輕鷗破翠烟

泛墨水

泛泛孤舟月新潮秋一篙插天山似髻隔岸樹如毛

人去烟津潤燈懸水閣高
沂洄偏弔古夜色坐蕭騷
送東子允侍父還伊豫

志業成何速風帆去不留
交情天下士歸夢海南州
蓬雨征衫薄籬花古驛秋
小心溫清在才遽說離愁

中元酌月

中秋清賞隔今夜且幽斟
階下露鋪玉杯中波湧金
無人同臭味對月豁胸襟
微醉陶然意等閒撫古琴
孤酌風軒夕樽前月已臨
微吟高世味一醉古人心
梧葉秋猶淺蟲聲夜欲深
回頭幽梵處佛火燭烟林

小原女戴薪圖

低纈絳裙紫陌中蛾眉雲髻尙村風
卻嫌束楚無情
致插得秋花一朵紅

朝出烟村向紫街香塵一路試青鞋
雲髻慣戴霜薪
重不羨人間玳瑁釵

野徑歸來林日斜細歌相和蹈殘霞
槿籬竹落村二
似紅葉多邊是妾家

送白井士會

文酒經年共勝遊等閒鴻跡向西州
新盟從此辭鷗
鷺佳會難期羨女牛村驛無鐘雞報午
山裏多石水
鳴秋行逢野草寒花發
記取睇吟溼上舟

余近入國庠會有換新之事余輩嘗各歸家以俟功竣矣佐藤博士憐余志使暫寓其塾賦之
志喜

東傳西英皆我師一朝萍水任分離休論塞馬非邪
是親炙何圖侍董帷

茫茫學海木知津書劍徒隨七尺身他日董家添話
柄絳帷留箇讀書人

八月初六陪一齋先生遊箭庫別業
許排殘熱入幽區覓句徘徊撚短鬚遺愛軒蕉思學
士署名楣扁識鴻儒侵人竹氣秋潛至啜茗梧陰意

頓蘇欲頌巖師今日德千年嶽雪聳天隅

送國分士達還仙臺

卸却萊衣枉遠游託身帷下好忘憂惜陰誰比諳經
史陟岵頻驚換葛裘千里歸心松島夢他年佳話茗
溪秋欣然不是尋常別分得光輝燭海陬

管野乾齋訪余于茗溪者再三余每不在慚悔
何言賦之爲謝

頻煩文履過溪橋只有閒雲代我邀免得稽康題鳳
字秋風吹裂碧芭蕉

晚秋同齋藤子德伊東子高下坂某遊目黑村

菅野叔駿嘗約同游訪之寓居不遇

久約其如負挈提吟窗間寂鳥空啼敢將名字汗蕉
葉付與主人隨意題

監谷某在羽澤塾便道訪之戲似

青山紅樹隔城闌夾水村家遙作鄰羽澤幽棲知不
遠田疇時有帶經人

歸去辭成占碧山衡門長鎖亂雲間平生家塾呬唔
滿羽澤竟輪彭澤閑

廣尾

黃茅翠竹雜丹楓廣尾秋深路欲窮溪北溪南家掩

映一村人住水聲中

高松密竹擁禪關僧與溪雲各半閒究竟鐘聲輪一
著隨風日日到人間

日黑村侯園

菊白楓丹秋暮時笑談終日愛園池雁鴉飛盡平田
夕隔樹星燈是大崎

陪熊山温山二先生遊海晏寺

山楓翻錦擁僧房陪賞何辭遠蹈霜文社平生攀驥
尾世途斯會忘羊腸一樽綠且生春意千樹紅能駐
夕陽借問後來經過客壁歌誰復和蘇黃

送石河文蔚歸上野
毛州十月省慈闈
夔屈聞君志不違
客路風霜何用
怯斑衣襲得錦衣歸

茗溪雜詩和滕井鴻溪韻

曾被春風誤妙年
紅裙綠酒夢相牽
萍跡暫寄茶溪
上卻向林巒說夙緣
腐劑陳方未奏功
紅塵日日病魔同
如今更得安心
藥夜雨青燈書閣中

又

門樓霜白欲天明
進獻儀終出
大城陳跡回頭成

一笑殘燈光底聽溪聲

讀明史用前韻

削爵招兵跡已明
毒氛和血濺宮城
鼉生千歲異身
首又被齊黃添臭聲

邊防失計咎前明
終使腥風滿帝城
辮髮毳衣新史
氏文章獨未墜名聲

溪聲

奔流濺石萬雷驚
洗盡埃塵雙耳清
客去山窗傾聽
處鳴禽咫尺不聞聲

茗溪曉雪

鶴駕飄飄朝玉皇玲瓏殿閣不堪清忽然驚醒溪窗
夢雪壓寒篔簹曉有聲

同和立軒君韻

門對寒流明半扉溪風捲雪灑吟幃記曾灑上逢春
暮水繞寺樓花亂飛

水閣登臨不厭寒瓊松銀竹白灣灣愧吾十歲紅塵
面未識茶溪雪後山

哭稻垣木公

溪窗寒雨夜傷神夢繞山陽哭偉人才銳於刀詩紀
事量寬如海酒全真世儒聲聞無原水卅老功勳有

脚春久米峯前留片石高風長仰碧嶙峋

十一月念五雪同川田履道大橋周道泛黑水

分李太白句爲韻得江沙皓明月

溪月曉皎皎溪窗黯殘釭我起知非月簌以撲窗

四顧果一白溪水獨縱二山陰跡可追一葦泝寒江

寒江空復空急雪斜更斜一葉任所之四際寂無譁

磯古瓊潮囓寺深銀竹遮簑笠人呼渡江風捲凍沙

凍沙鷗鷺寒古岸菰蘆老蓬窗置壺觴風物於我好

况攜同調友媿吐懷抱胸中爲一洗與雪同皓皓

皓二又皓二林巒玉削成村家唯見烟渚鶴空聞聲

江閣暫登臨深杯任手傾潦倒不知暮疎燈隔水明
水明浸星光雪霽埋山骨宿烟窰戶迷枯葦叢祠沒
幽致娛矚眺風蓬夜尙揭歸艇載餘興休說剡溪月

甲辰元旦

朝正冠蓋曉嚴森瑞靄橫城殿閣深一笑書生無拘
束梅花消息獨聞心

首春遊墨水飲橋場酒樓得四絕句

春衣試步水之東梅白村家籬落中兩兩三三呼渡
客無人不帶苾芬風

逢著梅花古渡東瓊姿寒立夕陽中清香一陣來衝

鼻飄片輕浮茗椀風

晴村咫尺曲欄東殘雪疎梅頤指中欲識詩人細心
處一簾柳影認春風

櫻花清賞獨吾東不在尋常紅紫中漫上如今春猶
淺青樽試醉落梅風

連日出游詩絕句

春衣無日不深海必醉風中好舉杯一笑朝來醒未
解陶然又入醉鄉來

首春念七杉田觀梅時花候稍過飄片撲面偶
見齋藤于德去春游此之作追和三首

瓊葩輕逐細風翻
踏破殘香十里村
今日梢頭無月影
空吹煖雪灑黃昏
曲曲穿梅野迳斜
滿村都雪欲埋家
愧我平生吟枕夢
空迷龜戶一莊花
回首杉田雲四圍
猶留剩馥染春衣
此身應已換香骨
直自梅花深處歸

驛樓所見

灣灣相接曲如弓
烟雨模糊帆影空
決眦杉田何處是
依微雲樹有無中

送高田生還豫州

塵外結交詩酒仙
堪驚蹤跡似雲烟
繪洲豪興君須記
春釀如澠擊海鮮
相送依依立澗阿
漁歌數闋和驪歌
水風吹斷崇朝雨
雲影不如離恨多

梅雨簡山中人

多年閒夢繞蓬蒿
聽雨兼旬且酌醪
試問雲杉霧松底
溪聲偏入夜琴高

代山中和答人

亂山環吾廬
山雲日吐吞
彌旬鎖不開
滃霖晝亦昏
懶眠無人驚
宛如蟄龍蟠
瓦壺幸有酒
芋筍亦滿盆

華戶君須叩蘿徑君須援祗應醉鄉去借樂別乾坤

溜池看蓮

蓮塘避暑葛衣輕十里香風滿袖清記取去年忍池
興碧筒傾盡聽歌聲

荷氣侵人岸岸風高低綠映淺深紅樓臺隔水參差
出一帶湘簾繡霧中

香霧模糊繞曲欄水樓呼酒揭簾看涼風滿日翻紅
玉十里荷花露未乾

奉祭故長谷部大孺入

聞君家庭訓藹然及闔門育來繩二盛階除滿蘭蓀

吾生東海上邂逅遇君孫君孫不吾棄親昵等第昆

此事豈偶然今復祭君魂吾辭雖蕪陋聊以代蘋蘩

去塾以來俗務蝟集絕不作詩自夏至秋終年

白日矣頃者得微疾屏居謝事數日間吟興頗

動連賦四韻三首

藥碗無端換酒卮蕭然枕衾怯涼颺膳思野味嗟身

繫瓶貯寒花惜節移伴病燈檠光易冷視人蟋蟀語

加悲况教心志如灰死鏡裏秋霜未到髭

一自垂髫侍故侯不將腰劍換耕牛百年志業終何

用五世恩榮愧未酬雁語淒涼虛幌夕桂花消息暗

窗秋尋常困臥成吾性猶幸鵲巢容拙鳩
門前車馬日紛紛獨臥虛窗對夕曛身外毀譽朝暮
雀世間身達吐吞雲買書錢豈留餘蓄飲月杯須過
半醺適意平生還不乏莫嗟孤負海鷗羣

寄圭力谷山田翁會藤井子達見示其疊韻呈
翁之作余亦做其韻以疊之二首

雲繞山陽雁語賒藤生和運感偏加程門論難傳負
趣蘇氏文章竟大家和就詩筒人正遠夢回書幙月
將斜何年戴得春風笠關外尋去三備花
往聖茫茫蹟已賒遺文千古孰能加著書示博終蛇

足說埋過高亦佛家九折世途雲忽變百年心事日
空斜至人真樂何由識且看東風開落花

讀粵民倡義檄文引

西南蠻種多黠智就中桀驁英吉利鸞食歐邏不知
厭彊如佛郎亦畏避先以賈舶繼艤艦鯨波鱗浪如
平地其王雖女號英明志吞五洲四橫行大銃小銃
從所用鐵船舳艫如城邇年清國被其毒東南生
靈多魚肉罽旗蔽天捲海風鎖鑰不慎邊師覆廟議
狼狽遽講和甘輸金帛覩面目何料草莽自有人慷
慨倡義奮忘身彼欲無窮和必破此膝一屈不可伸

誓誅逆夷報天子男兒義不拜虜塵崎港年年來吳
船偶齋檝文遠流傳燕趙士風爭赴義澹庵封事語
凜然可憐辨髮變風久區夏今日祗不右流芳竟是
帶羶腥狗吠狗夸孰是否君不見大統相承自
神皇神州豈敢容豺狼况復無事二百年德威孚民
我武揚我聞虜礮摧堅如霹靂所向壘粉何以防城
雖高壘雖固不足恃惟有歷世鎔鑄億兆之鐵腸

甲辰冬嘔血旬餘瀕死者數矣力疾賦二首

日酌丹漿罄百杯胸中蒸起彩霞來花飛野岸紅波
漲楓落秋江錦浪堆氣吐虹霓原爲酒唾成珠玉豈
烏汗凝宛地騁名駒灑衣意氣思豪俠浣腕淋漓頰
狗屠自笑模糊血痕裏枕頭猶掛酒胡盧

止飲

由才聖經遺戒從今迪始信柳州翻賀災
殘樽寂莫委寒厨昨日醉人今病夫膽裂蜀雲啼怨
鳥汗凝宛地騁名駒灑衣意氣思豪俠浣腕淋漓頰
狗屠自笑模糊血痕裏枕頭猶掛酒胡盧

何戀千鍾昔日豪心知真趣樂陶陶試看琴上遺音
古不若無絃韻更高
求之患肺疾久矣甲辰冬偶中酒爲其所激傷
也嘔血旬餘淋漓不已自謂必不起先是求治
柴原玄洞玄洞能洞知病原投藥盡中機宜以

故僅得不死矣感喜之餘賦一律爲贈
靈機默運七如神談笑銜杯巧挽春九死魂迷荒野
兩再生忽遠壯齡身學通蘭漢方皆活說歸陰陽道
始真吾進片言君受否莫教覆轍誤斯人

病中歲晚

四海流年日病魂徒自驚君臣靈藥進犬馬壯齡傾
比鶴形偏瘦如魚眼獨明家人同不寐淒雨洒寒更
余止飲以來回憶前日恍如隔生乃不能無愴
然之懷因紀舊遊自遣

飲花終日買舟還頗愛春風冷醉顏眩枕依稀成暫

夢檣聲人語有無間

十里荷塘趁曉涼花籠薄霧澹紅粧碧甃一醉池亭
酒不覺渾身飽染香

一紅一紫一浮觴滿墅西風弄衆芳瓢腹便便領未
半醺然早已醉秋香

楓寺幽盟卜小春行厨瓢酒喜情真山僧好事尤非
俗錦幕繡茵供醉人

豪懷任手罄深杯潦倒扶人蹈月回醉眼依稀認帘
影又過前肆命春醅

除夜詞

家家銀燭不覺寒一醉餞歲娛團樂誰憐一病骨未
埋孤寂顧影臥空齋雞膊二兮星哲二笑語初歇四
隣寂獨有病夫耿不寐細看燈花生還墜定否花落
墨陀路春風可試蹣跚步

乙巳元日

頻添馬齒駭年過往年回頭半病魔九仞成功爭二
簞奈吾艱步數蹉跎
空齋謝客髮毵毵春色關心衾枕中簷馬無聲簾幕
靜僅從柳影認東風

寶船行

來鯨鱗蹴浪怒鼉鼉寶船掀舞奔不止如逸馬馳萬
陂陀闇黑不辨咫尺間哭泣惟有手摩挲柁折檣沉
寶貨沒魚腹特如神人何昔者石崇盛時威如虎意
氣臨人人偃僂千金塵芥何足言萬貨山積不勝數
殿屋炳耀奪日月黃金之梁碧玉柱睥睨二世眼無
人豪富如我誰敢侮何料一朝招怨讟讒構獄成肉
在俎寶貨雲散金谷荒冤鬼晝哭狐兔舞君不見人
有真寶受之天其靈有如龍在淵出入無時不知鄉
存而不失稱爲賢世間假寶能眩人真寶有時爲所
牽一爲所牽難可求危懼豈啻積寶船今夜滿城春

睡美我對此圖獨悚然

書所見

紫陌春風遠捲沙大兒奔走小兒譁喧闐雲集爲何
事欲放緝鷺高若家

止飲雜吟

一自東風拋酒觴梅花知是潔於霜黃昏月下曉烟
裏偏向醒人襟上香

茶熟幽窗裊細烟一簾花影晝如年堪怜畢卓存狂
態又就松風鼎下眠

孟春念七夜雪不已三月初霽作詩記異

快哉滕六戲三日奪春妍何料探花侯還爲臥雪天
瓊林有失鶴銀屋未埋烟記異抽吟筆旋飛堆硯前

雜詩三首

萍逢知國手雨露及山樗鬼籙名將上仙方効不虛
春寒頻咳嗽塵累一畝畝所願身強健躬耕且讀書
一宵聞霹靂無處不韶光雪佛歸空寂紙鳶冲昊蒼
烟迷芳草色鳥醉野花香回憶春風酒吟心日日狂
愁緒如嵐嶂冥冥積不開藥嘗蘭漢味酒止聖賢杯
風慢花香人晴窗蝶影來何當扶瘦竹園圃踏蒼苔

盆櫻

台嶺香雲墨水霞誰分一掬到儂家胡盧壁上應相
笑醒眼挑燈看此花
空齋昨夜貯春花白玉盆栽白玉葩識取名花難久
秘窺簾蝶影一雙斜

春雨

冥二迤邐樹細細灑風帷烟濕烹茶火魚渾浴息池
如絲芳草處成霧暮鐘時不問春深淺於吾睡味宜
偶成
城市春風喧更喧繙書且愛一窗暄花非有主何多
態蝶謂無心竟不言悔爲雕蟲成齷齪其如病鶴苦

籠樊高標千古於陵子避聘飄然去灌園

本藩支流松平君有疾頗劇召柴原玄洞准藥
數日頓愈君悅甚玄洞時將歸君贐以外套以
寵典焉玄洞感恩之不淺屬余詩之乃爲走筆
世上光榮果是非酬勞荷得渥恩歸欲知德意堪銘
肯不賜錦衣賜襲衣

送柴原玄洞西歸

杯酒悽然遠別人落花如雪雨如塵卽今無限東風
恨病裏送君兼送春
高低路向萬峯巒四月客衫殘雪寒知爲仙丹傳秘

詠奇花異草駐心看

首夏

一病悠悠徒自憐
雪聲梅影暗迎年
無端驚破春風
夢疎雨青燈聽杜鵑

送植木向榮序

島原白井嘉游學江都有年于茲矣聞其稱鄉里人
才必及植木向榮曰此子志氣慷慨不苟合世真進
學之資也因想其人恨相見之無由也去年庚子向
榮適祇役于江都於是始得相見以吐胸中之所蓄
則得以審其為人蓋見其激然箕踞旁若無人則所
謂不苟合世者可知大言高論蔑視一世則所謂志
氣慷慨者可知我乃嘆白井子之不吾欺焉但交游
日淺學之進不進未知果如何也今茲十月瓜代告
歸求言於予夫朋友之義規諫是務不可默止也則

爲之言曰子亦聞御馬之說乎有韁銜以控之有鞭
箠以制之準趨步而矧進退使勇銳直往之氣一無
所發於其間然後千里之材成焉苟使韁銜鞭箠之
不加而趨步進退惟其所欲則將見犇逸嚙蹄無所
不至而與夫駑羸騫劣者同歸于無用士之於學亦
爾也夫豪傑之士抱卓犖之質高世之材者往往放
縱不羈而自肆於名教之外自劉伶阮藉之徒無不
皆然豈才質之罪乎抑學之不明也故必以禮樂爲
韁銜以詩書爲鞭箠動止也語默也準繩焉矧矧焉
刻苦而勉勵猛省而密察然後其材之美成焉若彼

伶與藉也達則達矣而其無用於世不得不與駑劣
同歸也今向榮之才之質旣已非駑劣則竊恐其控
制之不慎而奔逸嚙蹄之或不免焉此余之所以區
區欲一言也雖然向榮之志固篤且吾島原多老師
宿儒其鞭箠韁銜必具焉準繩規矩必施焉加以刻
厲省察之功則固無足憂者豈待余之言乎因意數
年之後再得相見今之傲然箕踞翻爲謙讓恭敬大
言高論翻爲屏氣寡言而叩其所蘊蓄則必爲宵然
深洪然大我於是乎將歎而曰向榮之學進矣白井
子果不吾欺焉書以爲贈

史傳摘抄序

海西鶴峯翁豐後人也善和歌喜唐詩尤精於泰西之學以江戶人文之淵藪也一旦飄然來游終寓於此地而其爲人嗜飲愛客意氣豁然不事崖岸余因得以辱忘年交常謂余曰嘗聞桃蟲之說乎有蟲生於桃實中朝伸暮屈悠悠自得以爲天下之樂莫加焉或告之曰何子之陋也子之所爲安而可樂則一桃實耳豈足云樂乎夫桃實一樹之所有千百不啻而一園所有之樹數十百株一國所有之園數十百所而海內所有之國亦數十百州今子蠢二屈伸於

方寸之中而不知一實外有此億萬實何子之陋也蟲聞之愕然驚惘然疑人之在斯世亦何以異於此徒知有一鄉而不知有一國徒知有一國而不知有海外無數之異域殊土又安知非普天之下更有如我地球者以載無數之區域殊土邪是其所以陋而遠告之無有不驚且疑者也余聞此言亦復愕然因謂翁之學浩瀚過高老莊抱朴之類也頃者以所著史傳摘抄若干卷見示且使題一言於其首余把而讀之皇朝正史所載野乘所傳自名君賢臣孝子節婦凡片善隻邪可爲鑒戒者無所不撮錄標題

押韻一效李瀚蒙求以便童幼諷誦蓋其採之密擷
之詳則可謂至矣於是乎余有所深疑夫人趨多岐
少能成事荀子所謂藝之至者不兩能是也翁之精
於洋學固已知之今復觀其詳於皇朝事而精
密悉備非浩瀚過高之比則實古人之所難理勢之
所不能兼而翁獨能之何也雖然亦余桃實中之
見耳他日叩翁必有妙論快辨可以祛此疑者願卒
聞之

賜錦囊廬記

卓犖慷慨之士抱奇才異能者世之人固不能與之

相頡頏而其人亦不肯與世俯仰上下是以每不容
於世惟明達謙虛有江海之量者而後爲能有容焉
然其遇合亦尤爲難津文學隨齋鹽田翁詩名蓋世
久矣曠達而善飲常日比李太白時於稠人廣坐中
辨論古今人物罵詈百出旁若無入所謂不容於世
者也頃者名其所居曰賜錦囊廬謂余曰錦囊韻箋
蓋承君巾箱中物也羣下蒙殊遇特恩者時或賜之
今吾有此賜誰物之爲微榮則大矣是廬之所以名
也予其記之余也辱知日久義不得辭且喜其名之
盛日大也乃爲之言曰翁之所以名廬則非獨見翁

之美亦足以見其侯之美矣夫人君不思己之無才能而患挾才能以驕人平易其心開豁其量容焉不遺則天下之才能猶己之才能也故古之聰明君賢王者蓋必坦懷以臨下虛中以待人朝聞一善焉舉而取之暮見一美焉舉而取之無聞而見而不取以爲己有蓋在己者有限在人者無窮無窮者常爲己有則其所成就豈可測度耶今翁之才之能世之所不能容而侯獨能容之不啻能容之殊遇特恩以寵異之夫國士待之國士報之古人固嘗言之侯之優待既已如是則翁亦將滿腔之奇吐露無遺然則翁

之才乃侯之才而翁之能乃侯之能也所賜一小帙耳因以見翁之美乃以見侯之美是其爲名可不謂盛且大乎因意翁之奇專發之詩而侯尙能容之况夫大於詩者旁求博納將吐握之暇也然而翁亦豈獨以詩爲侯所容者也哉

松月樓記

士之在斯世有出與處而已故得志也冠裳珪組正笏廟堂指揮百司而輔翼萬機以至守一官治一郡皆得以盡才宣力成顯功矣而其不得志也林居而澗飲寄思於雲月與木石居與鹿豕伍不污於身不

芝蘭遺稿
累於心俯仰無所愧怍矣蓋得于此則失于彼二者必居一而不能兼焉若夫出而非出處而非處在進退之間居隱顯之中者天下惟醫爲然西招東聘終日往來於權貴之門而身無所係累則可以輕軒冕傲王侯詩酒放浪超然于物外而刀圭藥劑之力能成博施廣濟之仁是處有出之功而顯得隱之趣古人有志者往往隱于醫亦有以也哉後世則否巧笑甘言奔競於勢利之途以謂富貴捷徑莫此之若焉是其意在富貴而不存治療是以營營逐逐焦思勞心併功與趣蕩然掃地則其去古人也遠矣如冲齋

伊藤國手者以謂不愧於古人也歟君業醫遂鳴蘭學自王侯貴人至閭巷匹夫賴其力以得生活者不知幾何其功已偉矣頃者起一樓樓前植松一株每夜靜月明輒獨對之吟嘯自得如不與世相關者名曰松月之樓使姪子尚徵記於余余曰醫而專於出固已失之而決於處亦復不爲得何者其決於處往往懶散疎慵倦乎奔走是以急症劇疾不及救而死者比比相望也安在其爲仁術哉今君獨兼舉而並有之則此樓其可無記哉或疑樓之所有一株松耳一庭月耳豈足以寄超然之懷邪是不然君之出于

物表久矣意其滿腔子月也滿腔子松也夢寐之頃
意想之際無往不鬱葱而玲瓏也人惟見在庭之松
月有限而不知在心之松月無窮然則謂之一林之
松月可也謂之萬壑之松月亦可也而君之獨異于
世醫兼有功與趣而克不愧于古人者於此樓乎在
亦奚疑耶癸卯十一月

醉月樓記

月豈可醉邪可醉者酒也非月也雖然謂之醉酒乎
自花香鳥語山色水光凡所對酌而取娛者皆可以
醉焉若夫月出東山天無纖雲風清氣爽滿目皎然

方是時陳壺觴列肴核坐於玲瓏皎潔之中悠然以
酌陶然以醉則其娛不在酒而在月也不謂之醉月
可乎醉月樓者薦野侯聽政餘暇游息之處也頃者
其文學龍崎養中謂信兆曰樓蓋藩祖所勑也子孫
相承至今雖數歷葺治一無所更革而未有記蓋爲
記之信兆乃爲之言曰方今江都之盛古未曾有焉
十數里內甲第密比朱甍粉壁之外無有所見如彼
山水花鳥之適自非買墅置莊於數十里之外無因
而得矣惟月也不擇城野清光素影無地不照則雖
在厦屋稠密之中亦可以對酌而醉是樓之所以名

也抑有可怪者周公作酒誥衛武公作抑戒以爲酒之凶毒足以亡身喪國今薦野侯所名以遺子孫不取修德治國聖經賢傳之旨而反取荒惑敗亂如酒者爲子孫者亦復敬奉謹守惟失墜之懼以至不敢更革豈貽謀之不善而繼守之不擇歟殆非也天下之醉焉可以喪心失德者亦已多矣銷鋒鏑焚詩書嚴峻率下慘刻御民如秦始皇則醉於刑法也起樓觀用方士承露煉丹之說雜然爭進如漢武帝則醉於神仙也臺觀崇高服玩美麗侍妾如雲日夜宴娛如陳後主隋煬帝則醉於奢侈也唐玄宗之醉於色

梁武帝之醉於佛亦皆靡財誤事貽譏後世焉但日則異此不唯無聲色臭味惑溺人心而皎潔清明適足以滌懷寡欲必待是而醉焉有至于荒敗者邪祖公蓋曰惟月可醉其他勿醉其遺誠鴻訓與樓長存而爲子孫者敬守而不敢墜孰謂之非修德治國聖經賢傳之旨哉是爲記

皇國名醫傳序

記載天子疾世子必親嘗藥語曰子之所慎齊戰疾夫天子之尊天下之富何欲而不得何求而不給其居外也有左右侍從以不去於側居內也有嬪嬙豎

御以不離於前是其起居飲食細瑣之事皆有所待焉然且至於進藥則必躬親者何也重乎疾病也蓋疾病者性命所因以促命而醫藥之良否疾病所賴以輕重是以夫子以慎之而天子必親之也且我聞醫意也必原于內非待于外其心正也而察病始明其誠立也而施治始審然後神藥靈劑皆爲之用而難愈之疾不救之症隨手而瘳故苟心之不正誠之不立不得謂之真醫既謂之真醫則其誠必立矣其心必正矣故稱仁術而無愧後世視醫太賤待以細藝末技不復齒于士大夫間甚則與巫卜並稱焉夫

疾者古人之所必慎藥者至尊之所必親而論其術則曰仁矣以以賤者視之我甚不取也余友淺田識此素業醫亦嘗有見於此著書若干卷名曰皇國名醫傳謂余曰方今文明之世家乘私史之類層見而疊出苟長一技能一藝者得以傳于後世焉今醫之爲術非可以一技一藝論也反遺而不錄豈不繆乎是我所以有此舉也子盍爲序之余受而讀之凡國初以來精於醫術者其身顯朝廷名震侯國以至閭巷山林布衣之徒旁求博討網羅殆盡焉噫識此之舉善矣二百餘年間以此術濟生黎者如此其多也

然世之論者賤以爲末技則將與筮卜者同朽矣今
世書之出前日嘗著之業因之再赫而當今幾滅之
聲因之不泯則死者再生也其功豈不大耶抑識此
平生草根木皮之力克治劇疾艱症者亦必不少但
其所生活不能過百年至此書之所傳則經千萬歲
而其人尙存則刀圭之與翰墨其功效亦大有逕庭
也後世有續史出則列名於第一者非識此而誰也
書以告後之同志者云

壽熊山澤先生六十序

方今江戶爲人文之淵藪寄情吟詠潛心詞藻者東

社西壇不知其數而文盟之尤盛者惟我海鷗社爲
然如熊山澤先生者實爲之倡首矣余無似不自量
濫入社籍者三年於茲因得以親炙之也先生阿波
人仕神戶擢爲用人職事鞅掌之暇尙能周旋文社
以誘掖後進而其德業文章固爲世之所推重焉今
茲癸卯齡六十以五月廿四日懸弧之辰張宴會客
於是同社之士相與謀爲之壽余曰惟先生宜壽
矣何者先生一身之所繫爲一社之輕重也夫咀嚙
經史講明大道進則施諸事業以治家國天下退則
發諸文辭以垂教於後世故其文雄渾浩洋藹然之

德發露無遺是古儒之所爲也訓詁是究文辭是攻
典謨其言雅頌其詞昂然以稷契自許而叩其所蘊
蓄則枵然空虛故苟委之政事則錯亂顛倒竟庸吏
之不若是今儒之所爲也世之人視今如此也終以
讀書人概爲迂腐誇誕以擯棄斥絕之而不知古之
所謂儒者不可與之同日而語焉如我社蓋近古者
歟其名則爲文而揣摩淬礪涵養德性論古今得失
以陶冶有用之器者豈夫今儒之所爲耶但視世之
詩盟文社率皆浮薄無用之徒而彼衆我孤彼多我
寡其勢之所到人將併我以謂非古焉是社之所以

有待於先生也蓋同社之士宿儒老師不乏而身居
樞要與聞政事則寥寥乎無有矣惟先生上之獻替
致誠下之仁愛博施而後發諸文章宜矣其雄渾浩
洋決非浮薄無用之比也自今而後德益崇而齡益
長則世之人必將曰其爲唱首者既爲古儒則一社
之人意必非今儒矣不亦善乎然而亦先生之壽
使之然則余之所以不能已於祝嘏也皆曰善遂書
以進焉

必有軒記

余於交游中尤推服其才者爲秋月中島仲強仲強

穎敏警悟出於天資常其讀古書其艱澁難通者仲
強過目輒曉其辨析每出于人意表又素不習辭章
而及一執筆文思湧出累篇複牘隨手而成何其才
之竒也後讀王氏書忽有所悟喟然歎曰文章末技
耳訓詁餘事耳何益於道若夫聖人之學舍心而將
焉求耶乃投筆擲卷惟王子之言是玩時或瞑目靜
坐以思道之精微其刻苦厲省可謂勤矣頃者取孟
子論養氣之語名其齋曰必有軒揭以自警而屬余
記之夫至大至剛配義與道浩然塞乎天地之間者
善養而無害則其心凝然貞靜蹈白刃入水火而不

少動然斯氣也必待自反積累之功而生焉決非遽
求急取之所能得也故曰必有事焉而勿正心勿忘
勿助長也古人精一之訓戒懼之誨與王氏所謂致
良知之旨益皆不外于此矣是故朝必有事焉夕必
有事焉出也人也起居坐臥也無時不必有事焉然
後吾氣得養而心自不動然則心學之要果在于茲
不特多言也仲強既有見於此取以名齋則余復何
言耶抑觀世之唱王學者一曰致良知二曰致良知
自謂我能得道之蘊然顧其行與言不相符者往往
有矣王子之所謂致良知豈如此也乎知火能熱必

不犯之知水能溺必不蹈之真知者每如此否者爲
虛見故曰知者行之始行者知之成也若夫徒勞心
於精微謂知行不相關者乃王氏之罪人而與彼業
辭章習訓詁亦何擇哉今吾仲強篤學反求何有此
病而竊恐其才之穎悟如彼微言與旨迎刃而解則
虛見之弊或生而必有之名亦以爲無益焉是余之
所謂不默而已也雖然余也固未脫辭章之習者乃
妄歎二焉仲強必謂是亦虛見其言無足取則余亦
當以是自警焉耳

送上甲子文序

余客歲在國庠得交友切磋之益不尠矣如伊譔上
甲子文益具尤者也子文學綜經史旁及辭章蔚然
有老儒風余每就商確焉子文不敢惜必傾衿倒屣
而時或辱下問則余亦不敢以卑陋辭也聞子文先
世以武功著而今子文遇時治平服縫腋執文翰與
諸文士周旋於藝苑之中蓋彼此一時各從其所遭
而然歎一日子文示以其所私策海防方畧凡千餘
言余受讀之則謀議允當措置詳密務期萬全而不
夸竒計余因嘆謂子文平生所講究修己治人之道
蘊而爲道德發而爲文章爾况今四海無虞一塵不

揚軍旅甲兵已非急務則其術宜置而不問然用心如此何其慮之深且遠也世常稱儒生迂疎無益於事而獨子文學尚實用居治而不忘亂是雖因其器識之高抑祖先家庭之訓使之然也歟今茲甲辰春將南歸余相知既深臨別不能不言乃告曰子文今日南歸之路必歷上國因徧訪諸名家質以所疑而具過占都廢墟寒烟荒草之區求諸殘碑問諸故老以思古今治亂興替之故則倍通人情事變而於修已治人之道必有所益焉加之覽乎山川險夷審乎沿海形勝以至水草糧運之便宜進退戰守之利害

隨察隨記蓄之胸中而不遺平居則以文教率人孝悌忠信化導有力而萬一有變亦有武備在計畫內定徐起而制勝則祖先之訓不墜而迂疎之名將何由而至哉遂書爲贈

題許由洗耳圖

泥土軒冕塵芥華屋超然脫然高出於物之外優游於無何有之鄉是其胸次天豁水淨無所凝滯然則非洗其耳也洗其胸也仰又有高焉者孔子曰君哉舜也巍巍乎有天下而不與焉夫舜身爲天子而不自知其爲天子與夫耕稼陶漁無少異則可謂知軒

冕之爲泥土華屋之爲塵芥哉蓋觀其以爲汚而逃之則胸中尙有天下至于有之而不與焉則胸中全無天下矣夫然後見洗之爲贅也

病中寫經傳釋辭書後
余客冬以來病臥累月及經春夏疼痛日漸減而岑寂日漸甚矣偶一友人攜此木欲手寫以自遣焉然羸瘠骨立未能起坐憑案乃念枕上謄寫之策其法橫小木片於板上插紙於其間以左手提起大指支持木片以使懸空不墜仰臥而向之置原本於腹上屈膝受之隨讀隨寫寫未終紙腕倦肘疲輒閣紙筆

呻吟按撫者久之又取而寫之吁區區筆札本欲以充消遣反自苦至此書生養病之策亦不已拙乎詳志之以資他日之一噓云

芝陵遺稿跋
芝陵先生學星之精於此也
芝陵先生學星之精於此也
芝陵先生學星之精於此也
芝陵先生學星之精於此也
芝陵先生學星之精於此也
芝陵先生學星之精於此也
芝陵先生學星之精於此也
芝陵先生學星之精於此也
芝陵先生學星之精於此也
芝陵先生學星之精於此也

芝陵遺稿跋

亡友柳澤伯民名信兆號芝陵通稱太郎伯民其字也島原世臣都邸留守信行長子幼時信行攜之請温山先生曰子老而知學不可不勤願託之帷下先生諾焉先生教人自有家規凡來游門者先命作詩以試其才伯民天資明敏電勉無倦摘辭清麗命意典雅先生大悅謂孺子可教當時我藩學詩者皆尊明末王王之調先生既欲改其弊伯民早察其微專學唐宋諸名家雜以本邦好調頗變一藩詩風既而以門蔭就仕殊命近侍雖出入匆忙勤業不解夜以

繼日時或會友講義有意不合則明快辨析不少假
借又讀凍水通鑑慨然扼腕論古今之得失於是
君侯愛其才擢爲留守助員以期繼父職伯民不得
意謂予曰聖賢之學無他唯實學實行而已是朱學
之本旨溫山先生之所導也觀世相書生者不浮薄
則固陋往往不通世態事情何謂之實學實行耶今
留守之爲職俗務中最俗者也不學無術之所爲割
雞何用牛刀雖然 公命不可廢閣溫山先生之
意亦不可測守職三歲而以病辭其特見卓識如此
既先生使之入海鷗文社請諸大家之眷顧於是其

學日獎月就聲與其藉先生以爲未也又請一齋佐
藤博士入學昌平費當時鬻中才子彬鬱爲林若齋
藤馨上甲禮鹽谷守誠最爲巨魁伯民頡頏其間聯
案勤業憤勵困苦讀傳習錄始知有餘姚王氏之學
翻然開悟謂予曰文公之學譬之畫全龍雖爪牙詳
備小見其真及王子出始點其兩睛焉雖曰朱王異
趣本是一揆所謂百尺竿頭進一步者也周年而歸
亡幾患肺疾吐血數成志氣不少屈立賦七律二首
及其間仰臥寫書累疾十閱月竟沒實弘化二年乙
巳八月五日也時年三十子於伯民志學則同師就

仕則同僚交誼之厚不啻同趣向而已也伯民長子
五歲予常兄事之爲善相喜有過相規或探花賞雪
亦復同行而二人善疾疾則賦詩慰問伯民危殆之
際預知其不起舉其稿本謂予曰子欲上梓木果也
身後之計將煩子子諾之後三日溘焉死矣旣而宿
諾七年恐負其臨沒之約請遺稿全編於其母氏取
覽閱之伯民狀貌聲音宛然如接耳目墮淚注卷不
能看過雪涕吞聲校定淨寫請序於溫山先生附之
剖剛氏以完伯民之遺囑云

嘉永四年辛亥春二月上浣

佐久間華 撰

嘉禾四年辛亥春二月十日

劫入國華 跡

Faint vertical text columns, likely bleed-through from the reverse side of the page.

